


Digna Lacle Herrera lo presenta su buki na Van Dorp



di 5 luna su mayornan a regresa Aruba cu ne, caminda cu el a sigui school te cu 8ste klas pa despues bay sigui MULO na Curacao

For di edad di 16 aña el a cumenza traha den enseñanza, siguiendo e diferente cursonan pa completa su formacion como educadora.

Su interes y amor pa nos idioma Papiamentu e ta considera como un herencia di su mama kende tabata gusta conta su yunan storia. Papiamentu na school tabata severamente prohibi y esey Digna tabata considera un inhusticia, pero el a sabi di tene su mes na laga Papiamentu pafor di school. E ta lamenta cu asina hopi



oportunidad a bay perdi pa el a hinca den su alumnonan e amor profundo pa nos idioma Papiamentu cu e mes tabata sinti.

ORANJESTAD (AAN): Digna Marina Lacle-Herrera a nace na Corsou dia promer di November 1925. Na edad

Rond di añanan 70 el a cuminsa na publica algo di su prosa y poesia, pasobra algun amigo a pidie esey. E publicacionnan aki nunca a yega na bira un coleccion den forma di un buki. Digna tabata tin e deseo si pero tur cos a keda den lachi. Sinembargo Digna ta considera cu el a alcansa un di su metanan cual ta: 'mas y mas Papiamentu' ta haya e respet y aprecio cu e merece como algo cu ta distingui nos como un pueblo cu hopi cultura.

Danki na corant y revistanan cu a publica su prosa y poesia Digna a haya publicidad. Via un programa radial na Corsou, Sr. E. Pietersz Heyliger a haci e pueblo di Corsou conoci cu su prosa y poesia. E programa "Echa palabra", un programa cultural a duna asina hopi publicidad rond di su persona pa loke ta trata su trabao riba tereno di literatura.

Na Aruba tambe e revista "Matinette" cu ta un revista pa mucha a publica hopi storia di Digna y un version di Digna di e 'sprookjesnan' mas conoci den literatura mundial.

Digna ta bisa: E añanan di nos hubentud ta esnan cu ta laga mas impresion atras. Durante di e añanan aki nos ta cria costumernan, nos smaak ta desaroya y nos personalidad ta worde forma. Un mucha tin un interes enorme pa siña, e no conoce prehuicio y ta busca semper e berdad den tur cos y ta experiencia mundo como algo fantastico. E ta dirigi su mes na tur loke ta bon y bunita. Ta pesey e merece lo mehor.

Saliendo for di e pensamiento ki nos kier introduci nos muchanan den un mundo literario pa trece nan den contacto cu un parti di mas bunita cu literatura universal a produci. Y ta den cual idioma nos lo por logra esaki mihor cu den nan propio

lenga?

Un mihor conocimiento di nos idioma Papiamentu lo siñanan stima y aprecia lo cual ta lo mas eleva di nos cultura. Un seleccion di cuentonan di hada, fabula y compilacion di e mihor storianan skirbi pa mucha lo mester sirbi pa stimula imaginacion di nos lectornan hoben.

E experiencia cu nos muchanan lo haya via bukinan ta algo cu nos mester dunanan como herencia cual nan tin derechi riba dje.

Diasabra awor dia 17 di October. Señora Digna Lacle-Herrera lo ta ta presente na Van Dorp Book & Office pa presenta su dos buki nobonan. "Buki di poesia y Storia" y e buki "Buki di Pascu".

"Buki di poesia y storia" ta consisti di poesia pa mucha cu e meta pa dirigi nan riba e caminda di arte di declamacion. E storianan di Pedrito, Wancito y Anita ta relata experiencia di mucha durante su niñez. Aventura y travesuranan ta propio di e periodo aki. Experiencianan di Pedrito y Wancito ta di mucha di nos tempo. Experiencia di Anita ta di un epoca cu nos muchanan tabata mas inocente y conforme cu poco cos. Den e kopchi di recuerdo e storianan ta presenta e imagen di nos hendenan bunita cu tabata ehempel pa nos comunidad. Cu "Buki di Pascu" autora Digna Lacle-Herrera kier contribui na nos celebracion di Pascu di nacemento, cual pa nos tur ta un temporada di hopi amor y alegria. E buki ta contene storia, poesia, sketch, y cantica di Pascu cu lo por yuda nos organiza nos fiesta di Pascu den seno familiar, treciendo e berdadero ambiente di Pascu, e fiesta di luz, amor, paz y union. Digna lo ta na Van Dorp for di 11.00 a.m - 1.00 p.m pa firma su bukinan pa tur esnan interesa.